

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը՝ ԳԲՔԱ-ԼՕ-2021/100

Բողոքի ներկայացման ամսաթիվը՝ 26.10.2021թ.

Բողոք բերող անձ՝ «Մեգիէլ» ՍՊԸ

Պատվիրատու՝ «Նորք-Մարաշ բժշկական կենտրոն» ՓԲԸ

Գնման ընթացակարգի ծածկագիրը՝ «ՆՄԲԿ-ԲՄԱՊՁԲ-21/91» բաց մրցույթ

Գնման առարկան՝ Բժշկական նշանակության ապրանքների ձեռքբերում

Բողոքի պահանջը՝ Պարտավորեցնել «ՆՄԲԿ-ԲՄԱՊՁԲ-21/91» ծածկագրով բաց մրցույթի գնահատող հանձնաժողովին փոփոխություններ կատարել հրավերի 1-ին, 2-րդ, 5-րդ և 6-րդ չափաբաժիններում և պայմանագրի կատարման ժամկետում:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ
ՔԱՐՏՈՒՂԱՐ՝ Ռ. ՄԿՐՏՉՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի

վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

Ք. Երևան

26.10.2021թ.

Գնումների հետ կապված բողոքներ քննող անձին

Հասցե՝ Երևան քաղ., Մելիք Ադամյան 1

Բողոք բերող անձ՝ «Մեգիել» ՍՊ ընկերություն,

տնօրեն Ս. Փարիզյան

Հասցե՝ Երևան քաղ., Կոմիտաս 56, 165 տարածք

էլ. փոստ՝ office@megiel.am, հեռ. 010-287070, 043-903090

Պատվիրատու՝ «Նորք-Մարաշ բժշկական կենտրոն» ՓԲԸ

Հասցե՝ Երևան քաղ., Ա. Արմենակյան 108/4

Գնման ընթացակարգի ծածկագիր՝ ՆՄԲԿ-ԲՄԱՊԶԲ-21/91

Գնման առարկա՝ բժշկական նշանակության ապրանքների ձեռքբերում

Բ Ո Ղ Ո Ք

1. Վեճի առարկան.

1.1 «Նորք-Մարաշ բժշկական կենտրոն» ՓԲ ընկերության (հետայսու՝ Պատվիրատու) կողմից հայտարարվել է ՆՄԲԿ-ԲՄԱՊԶԲ-21/91 ծածկագրով բաց մրցույթ, որն իրականացվելու է մեկ փուլով:

1.2 Հրավերը հրապարակվել է 12.10.2021թ եւ մասնակցության հայտերի ներկայացման վերջնաժամկետ է սահմանված 27.10.2021թ ժամը 12:00-ը ներառյալ: Հայտերի բացման ժամկետն է 27.10.2021թ ժամը 12:00-ը:

1.3 «Մեգիել» ՍՊ ընկերությունը (հետայսու՝ Ընկերություն) ՆՄԲԿ-ԲՄԱՊԶԲ-21/91 ծածկագրով մրցույթին մասնակցելու նպատակով ուսումնասիրելով հրավերը՝ տեխնիկական բնութագրերում արձանագրել է «Գնումների մասին» ՀՀ օրենքով սահմանված նորմերի խախտում:

1.4 Ըստ Ընկերության՝ «Գնումների մասին» ՀՀ օրենքի եւ ՀՀ կառավարության 04.05.2017թ թիվ 526-Ն որոշման պահանջին չեն համապատասխանում մրցույթի 1-ին, 2-րդ, 5-րդ եւ 6-րդ չափաբաժինները:

2. Բողոքի փաստական եւ իրավական հիմքերը.

2.1 «Գնումների մասին» ՀՀ օրենքի (հետայսու՝ Օրենք) 3-րդ հոդվածի 1-ին մասի 2-րդ կետի համաձայն Օրենքի նպատակն է ի թիվս այլի գնումների եւ գնումների գործընթացի տնտեսող, արդյունավետ եւ օգտավետ իրականացումը:

Համաձայն Օրենքի 3-րդ հոդվածի 2-րդ մասի Գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային եւ ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում եւ նրանց միջեւ մրցակցության խրախուսում.

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն:

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

Ներկայացված նորմերի վերլուծությունից փաստում ենք, որ գնումների օրենսդրությունը հիմնվում է գնման գործընթացի մրցակցային, թփանցիկ, համաչափ, հրապարակային, ոչ խտրական գնման գործընթացին մասնակցելու իրավահավասարության սկզբունքների վրա, ապահովելով գնումների գործընթացի տնտեսող, արդյունավետ եւ օգտավետ իրականացում:

Օրենքի 13-րդ հոդվածի համաձայն՝

1. Գնման առարկայի բնութագրերը պետք է ամբողջությամբ եւ հստակ նկարագրեն ձեռք բերվող ապրանքի, աշխատանքի կամ ծառայության հատկանիշները, դրանց ձեռքբերման եւ վճարման պայմանները՝ բացառելով տարակերպ մեկնաբանությունը: Գնման առարկայի բնութագրերը, որոնք ներառում են նաև պայմանագրի գինը, ընդգրկվում են պայմանագրում:

2. Գնման առարկայի բնութագրերը՝

1) պետք է մրցակցության հավասար պայմաններ ապահովեն հնարավոր մասնակիցների համար.

2) չպետք է հանգեցնեն գնումների գործընթացում մրցակցության համար չհիմնավորված խոչընդոտների առաջացմանը.

3) պետք է լինեն օբյեկտիվորեն հիմնավորված եւ համարժեք լինեն այն կարիքին, որի բավարարման նպատակով կատարվում է տվյալ գնումը.

4) ներառում են գնման առարկայի մասնագրի, տեխնիկական տվյալների, իսկ աշխատանքների դեպքում՝ նաև աշխատանքների ծավալաթերթի, ժամանակացույցի եւ այլ ոչ գնային պայմանների ամբողջական եւ համարժեք նկարագրությունը:

3. Ելնելով գնման առարկայի առանձնահատկությունից՝ դրանց հատկանիշները հնարավորինս ներառում են ձեռք բերվող ապրանքի, աշխատանքի կամ ծառայության որակին, ստանդարտին, անվտանգությանը, պայմանական նշաններին, տերմինաբանությանը, փաթեթավորմանը, բեռնաթափմանը, չափին, նախագծերին, ինչպես նաև գնման առարկայի այլ հատկանիշներին վերաբերող պայմանների հստակ նկարագրությունը՝ հիմնված միջազգային ստանդարտների եւ Հայաստանի Հանրապետությունում գործող նորմատիվատեխնիկական փաստաթղթերի, ստանդարտների, իսկ դրանց բացակայության դեպքում՝ ժամանակավոր տեխնիկական պայմանների վրա:

4. Գնման առարկայի հատկանիշները կարող են սահմանվել նաև որպես կատարողականի կամ գործառության (ֆունկցիոնալ) նկարագրեր, որոնք պետք է

ներկայացվեն բավարար ճշտությամբ՝ հնարավորություն տալով մասնակիցներին եւ պատվիրատուին ճշգրիտ ընկալել պայմանագրի առարկան:

5. Գնման առարկայի հատկանիշները չպետք է պահանջ կամ հղում պարունակեն որեւէ առետրային նշանի, ֆիրմային անվանմանը, արտոնագրին, էսքիզին կամ մոդելին, ծագման երկրին կամ կոնկրետ աղբյուրին կամ արտադրողին, բացառությամբ այն դեպքերի, երբ անհնար է գնման առարկայի բնութագրումն առանց դրանց: Հղումներ օգտագործելու դեպքում հատկանիշների բնութագիրը պետք է պարունակի «կամ համարժեք» բառերը:

ՀՀ կառավարության 04.05.2017թ թիվ 526-Ն որոշման (հետայսու՝ Կարգ) 22-րդ կետի համաձայն՝ գնման առարկայի բնութագրերը սահմանելին պետք է հաշվի առնել, որ դրանց պետք է բավարարեն մեկից ավելի հնարավոր մասնակիցներ եւ արտադրողներ՝ բացառությամբ գնումը սույն կարգի 23-րդ կետի 4-րդ ենթակետով նախատեսված հիմքով կատարելու դեպքերի:

Այսպես.

1-ին չափաբաժնով անհրաժեշտ է ԱԱՇ խողովակների հավաքածու մանկական հետեւյալ բնութագրով.

ԱԱՇ-ի խողովակների հավաքածու մանկական օբսիզենատորների համար, ապիրոզեն, լատեքսազերծ, մանրէազերծ, պատված Ֆիզիո նյութով, պատրաստված համաձայն պատվիրատուի կողմից հաստատված սխեմայի (պահանջի դեպքում սխեման տրամադրվում է 1 աշխատանքային օրվա ընթացքում):

Գնման ժամանակացույցի համաձայն որպես ընհանուր պայման սահմանված է, որ առաջին խմբաբանակի մատակարարումը Գնորդը չի կարող պահանջել պայմանագրի ուժի մեջ մտնելու օրվանից հաշված 20 օրից շուտ, եթե դրան համաձայն չէ Վաճառողը: Այնուհետեւ, մատակարարումները պետք է իրականացվեն ըստ փաստացի պատվերների՝ ոչ ուշ քան 5 աշխատանքային օրվա ընթացքում:

1-ին չափաբաժնով պահանջվող ապրանքի սխեման հաստատվելով պատվիրատուի կողմից, դա նշանակում է, որ այն ստանդարտ արտադրվող ապրանք չէ եւ դրա արտադրման համար ժամանակ է անհրաժեշտ: Այդ ժամանակը գործնականում տեւում է 8 շաբաթ եւ եւս 18 օր է դրա ներկրումը ՀՀ եւ մեկ շաբաթ էլ՝ արտադրողի կողմից սխեմայի հաստատման համար:

Մինչդեռ՝ գնման ժամանակացույցի համաձայն առաջին պատվերը չի կարող ներկայացվել 20 օրից շուտ, իսկ հաջորդիվ՝ մատակարարումները պետք է իրականացվեն փաստացի պատվերից հետո 5 աշխատանքային օրվա ընթացքում:

Սխեմայով արտադրվող ապրանքի արտադրման եւ ներկրման ժամկետների պայմաններում հնարավոր չէ պայմանագրի ուժի մեջ մտնելուց 20 օր հետո պատշաճ մատակարարում ապահովել:

Բացի այդ հետագայում, եթե մատակարարը պատվեր է ներկայացնում արտադրողին պահանջվող ապրանքը ներկրելու նպատակով, որպեսզի Պատվիրատուի կողմից պատվերի դեպքում հնարավոր լինի 5 օրում ապահովել մատակարարումը, այս դեպքում էլ հնարավոր է Պատվիրատուն պատվեր չներկայացնի քանի որ գնումն իրականացնում է «Գնումների մասին» ՀՀ օրենքի 15-րդ հոդվածի 6-րդ մասով: Այս դեպքում հատուկ սխեմայով արտադրված ապրանքի իրացումը այլ կլինիկաներում հնարավոր չէ:

Ներկայացված հիմնավորմամբ անհրաժեշտ է փոփոխել մատակարարման ժամկետը, քանի որ գործնականում հնարավոր չէ այդ ժամկետում պատրաստվի պահանջվող ապրանքը:

2-րդ չափաբաժնով պահանջվում է ԱԱՇ օքսիդենատոր մանկական՝ *Տերուճ Կապիոքս, CX*FX05R* հետեւյալ բնութագրով.

Արյան արհեստական շրջանառության ժամանակ կիրառվող նորածնային-մանկական օքսիդենատոր գործարանային կոմպլեկտավորումով, ներկառուցված արտերիալ ֆիլտրով: Ռեզերվուարի ծավալը HVR 1200մլ, մաքսիմալ արյան հոսքը 1,5 լիտր/րոպե, օքսիդենատորի տարողունակության ծավալը՝ (Prime volume) ոչ ավել 45մլ, (Membrane surfase area) մեմբրանի մակերեսը կամ զագափոխանակման մակերեսը ոչ ավել քան 0,5ք.մ., արտերիալ ֆիլտրը 32µm ցուցանիշով: Պայմանագրի կատարման փուլում ներկայացվում է ապրանքն արտադրողից կամ վերջինիս ներկայացուցչի կողմից տրված երաշխիքային նամակ:

5-րդ չափաբաժնով պահանջվում է ԱԱՇ օքսիդենատոր մանկական՝ *Եվրոսեթ, Trilly AF AG5232* հետեւյալ բնութագրով.

Արյան արհեստական շրջանառության ժամանակ կիրառվող մանկական օքսիդենատոր, գործարանային կոմպլեկտավորմամբ, ներկառուցված արտերիալ ֆիլտրով: Ռեզերվուարի ծավալը HVR 2200մլ, մաքսիմալ արյան հոսքը 3,5 լիտր/րոպե, օքսիդենատորի տարողունակության ծավալը՝ (Priming volume) ոչ ավել 130մլ, (Membrane surfase area) մեմբրանի մակերեսը կամ զագափոխանակման մակերեսը ոչ ավել քան 0,84ք.մ., արտերիալ ֆիլտրը երկշերտ՝ 80µm + 38µm ցուցանիշներով: Պայմանագրի կատարման փուլում ներկայացվում է ապրանքն արտադրողից կամ վերջինիս ներկայացուցչի կողմից տրված երաշխիքային նամակ:

6-րդ չափաբաժնով պահանջվում է ԱԱՇ օքսիդենատոր մեծահասակի՝ *Եվրոսեթ Horizon AF Plus* հետեւյալ բնութագրով.

Արյան արհեստական շրջանառության ժամանակ կիրառվող մեծահասակի օքսիդենատոր, գործարանային կոմպլեկտավորմամբ, ներկառուցված արտերիալ ֆիլտրով: Ռեզերվուարի ծավալը HVR 4500մլ, մաքսիմալ արյան հոսքը 7,0 լ/րոպե, օքսիդենատորի տարողունակության ծավալը՝ (Prime volume) 225մլ-ից 275մլ, (Membrane surfase area) մեմբրանի մակերեսը կամ զագափոխանակման մակերեսը 1,65-1.9ք.մ., փականի վակուումի անկումը 100-ից 155 մմ. Մեդիկի սյուն: Պայմանագրի կատարման փուլում ներկայացվում է ապրանքն արտադրողից կամ վերջինիս ներկայացուցչի կողմից տրված երաշխիքային նամակ:

Պատվիրատուն տեխնիկական բնութագիր-գնման ժամանակացուցի ընդհանուր պայմաններում նշել է, որ բնութագրերում գնման առարկայի առեստրային նշանին, ֆիրմային անվանմանը, արտոնագրին, էքսիզին կամ մոդելին, ծագման երկրին կամ կոնկրետ աղբյուրին կամ արտադրողին կատարված հղումների հետ միասին հասկանալ «կամ համարժեքը» բառերը:

Առաջին հայացքից կարծես՞թե Պատվիրատուն ղեկավարվում է Օրենքով, սակայն ինչպես միշտ Պատվիրատուն խախտում է Օրենքի 13-րդ հոդվածը, նույն հոդվածի 5-րդ մասը բացառություն է սահմանում, սակայն Պատվիրատուն այն մեկնաբանում է ոչ իրավական տրամաբանությունից ելնելով: Նշված հոդվածի 5-րդ մասի համաձայն՝ *Գնման առարկայի հատկանիշները չպետք է պահանջ կամ հղում պարունակեն որեւէ առեստրային նշանի,*

Ֆիրմային անվանմանը, արտոնագրին, էքզիզին կամ մոդելին, ծագման երկրին կամ կոնկրետ աղբյուրին կամ արտադրողին, բացառությամբ այն դեպքերի, երբ անհնար է գնման առարկայի բնութագրումն առանց դրանց: Հղումներ օգտագործելու դեպքում հասկանիչների բնութագիրը պետք է պարունակի «կամ համարժեք» բառերը:

Վերը ներկայացված տեխնիկական բնութագրերի ուսումնասիրությունից ակնհայտ է, որ Պատվիրատուն գնվող ապրանքը բնութագրել է եւ դա անհնարին չի եղել, այս պարագայում նրա կողմից պահանջվող ապրանքի արտադրողին եւ ապրանքային նշանին հղում անելով խախտել է Օրենքի 13-րդ հոդվածը, որն էլ չի ապահովում Օրենքի 3-րդ հոդվածի կիրառելիությունը:

Ի դեպ վիճարկվող չափաբաժիններով ներկայացված տեխնիկական բնութագրերը բացառապես նույնական են այն ապրանքին, որի արտադրողի եւ ապրանքային նշանին հղում է արել Պատվիրատուն:

Հարց է առաջանում, համարժեք ապրանքի գնահատումը ի՞նչի հետ համեմատության արդյունքում պետք է գնահատվի, նշված արտադրողի եւ ապրանքային նշանի ապրանքի նույնական համընկնումի, թե՛ ներկայացված չափորոշիչների, որոնք նույնպես նույնական են այն արտադրանքին որի արտադրողին հղում է արված:

Այսպիսով, Պատվիրատուն խախտել է Օրենքի նշված հոդվածը:

2-րդ եւ 5-րդ չափաբաժիններով պահանջվող ապրանքները պետք է ներկայացվեր մեկ չափաբաժնով, չափորոշիչները ներկայացնելով տիրույթով, որպեսզի ապահովեր մասնակիցների մրցակցություն եւ չհանգեցնի գնումների գործընթացում մրցակցության համար չհիմնավորված խոչընդոտների առաջացմանը:

Պատվիրատուի ներկայացրած տեխնիկական բնութագրի յուրաքանչյուր չափաբաժինը ներկայացված է դիպուկ մեկ արտադրողի ապրանքատեսակի եւ մեկ մատակարարի համար:

Վիճարկվող չափաբաժինների տեխնիկական բնութագրերը ներկայացված են Օրենքի խախտմամբ, հետեւաբար մրցույթի անցկացումը այդ բնութագրերով չի ապահովվելու Օրենքի 3-րդ հոդվածով սահմանված նպատակները եւ սկզբունքներին:

4. Պահանջ.

Պարտավորեցնել ՆՄԲԿ-ԲՄԱՊՁԲ-21/91 ծածկագրով բաց մրցույթի գնահատող հանձնաժողովին փոփոխություններ կատարել հրավերի 1-ին, 2-րդ, 5-րդ եւ 6-րդ չափաբաժիններում եւ պայմանագրի մատակարարման ժամկետում:

Կից ներկայացվում են.

1. Անձը հաստատող փաստաթղթի պատճեն,
2. բողոք ներկայացնելու համար վճարման անդորրագրի պատճեն:

Տնօրեն



Ս. Փարիզյան